

Općinski sud u Tuzli, sudija Ediba Jakupović, u izvršnom postupku tražioca izvršenja mlđb. Boris Jelinić, zastupan po majci zakonskoj zastupnici Spomenki Vidović, oboje zastupani po punomoćniku Damiru Aliću, advokatu iz Tuzle, protiv izvršenika Željka Jelinića, zastupan po punomoćniku Minki Pašić, advokatu iz Tuzle, radi duga, donio je dana 24.06.2024. sljedeći:

ZAKLJUČAK O PRODAJI

1. Određuje se *prva prodaja* pokretnih stvari izvršenika:

R.br	Opis popisanih stvari	Kom.	Vrijednost (KM)
1	Kuhinja, crvene boje, bez ugradbenih elemenata 2,5 x 3,0 m	1	2.000,00
2	Vitrine, crvene boje, po cijeni 400,00 KM po komadu	2	800,00
3	Trpezarijski stol sa osam stolica, crno-bijeli set	1	2.000,00
4	Televizor „Grundig”, plazma, 40”	1	500,00
5	Ormar, četverokrilni, smeđe boje	1	800,00

Zaključno sa rednim brojem 5 (pet).

i to putem usmenog javnog nadmetanja za dan **SRIJEDA, 24.07.2024. godine , u 08:15 sati, u zgradi Općinskog suda Tuzla - izvršno odjeljenje, sprat II, kancelarija br. 241.**

1. Konstatuje se da je vrijednost pokretnih stvari iz tačke 1. ovog zaključka određena zapisnikom ovog suda od dana 20.06.2024. godine u ukupnom iznosu od **6.100,00 KM** a pokretne stvari ostavljene su izvršeniku na čuvanje.
2. Najniža prihvatljiva ponuda po kojoj se predmetne stvari mogu prodati je 1/2 utvrđene vrijednosti, po jednoj stvari.
3. Ponuđači su dužni prije održavanja ročišta položiti kauciju u visini od 10% procijenjene vrijednosti pokretne stvari na kojoj želi učestvovati kao ponuđač, na depozitni račun Općinskog suda Tuzla broj: 1321000309123391, te jedan primjerak uplatnice predočiti službenom licu suda na ročištu. Lica koja ne uplate kauciju neće moći učestvovati kao ponuđači.
4. Ponuđač sa najvećom ponudom dužan je platiti cijenu odmah nakon objavljivanja rezultata ročišta za prodaju (u roku od tri dana). Ako to ne učini, drugi ponuđač će biti proglašen kupcem i biće dužan platiti cijenu koju je ponudio;
5. U slučaju da ni jedan ponuđač ne plati cijenu, sud će na prijedlog stranaka odnosno zahtjev tražioca izvršenja koje se može podnijeti u roku od 8 (osam) dana od dana održavanja neuspjelog ročišta zakazati drugo ročište.
6. Sud će postupak obustaviti ako stranka ne predloži održavanje novog ročišta za prodaju u roku iz tačke 6. ovog zaključka, ili ako se stvari ne uspiju prodati na drugom ročištu;
7. Ovaj zaključak o prodaji objaviće se na oglasnoj tabli suda, a tražilac izvršenja ga može objaviti i u javnim glasilima, o svome trošku.

Sudija
Ediba Jakupović

Pouka o pravnom lijeku

Protiv ovog zaključka nije dopušten pravni lijek.